

書名 [唐詩品彙九十卷]拾遺十卷 嘉靖十六年序刊本  
 撰者 明 高棟 輯  
 卷 卷五  
 內容分類 集-總集-各代-唐  
 索書號 集部-總集-35  
 編號 D7841100

# 卷五

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

新寧高棟編

幸武功慶善宮賦

上所生之宮也貞觀六年幸之宴從臣賞賜間

里同漢沛宛帝歡甚賦詩起居郎呂才  
 彼之管絃為功成慶善樂名九功之舞

丘唯舊跡豐邑乃前基  
 粵子承累聖縣弧亦在茲

際逢運改提劍鬱匡時  
 指麾八荒定懷柔萬國夷

盛入款駕海亦來思  
 單于陪武帳日逐衛文螭

竚袞朝四岳無為任百司  
 霜節明秋景輕冰結水湄

增入 原係摘句今全載

太宗皇帝 子孟浩然 王維

*[Faint bleed-through text from the reverse side of the page]*



唐詩品彙拾遺卷之五

五言律詩

王勃 一首

山居晚眺贈王道士

金壇踈俗宇玉洞似仙群  
花枝栖晚露峰葉度晴雲  
斜照移山影迴沙擁籀文琴  
尊方待興竹樹已迎曛

楊炯 一首

紫騮馬

俠客重周游金鞭控紫騮  
蛇弓白羽箭鶴纒赤茸鞦  
發跡來南海長鳴向北州  
匈奴今未滅畫地取封侯

盧照隣 二首

梅花落

梅嶺花初發，天山雲未開。雪處疑花滿，花邊似雪迴。  
因風入舞袖，雜粉向粧臺。匈奴幾萬里，春至不知來。

辛司法宅觀妓

南國佳人至北堂，羅薦開長裙。隨鳳管，佞柱送鸞杯。  
雲光身後落，雪態掌中回。到愁金谷晚，不恠玉山頽。

李嶠四首

和周記室從駕晚發合璧宮

濯龍春苑曙，翠鳳曉旗舒。野色開烟後，山光澹月餘。  
風長笳響咽，川迴騎行疎。珠履陪仙駕，金轂動駕車。

晚景悵然簡二三子

空秋悲動梁臺夕，望賒梧桐稍下葉。山桂欲開花  
氣引迎寒露，光收向晚霞。長歌白水曲，空對綠池華。

和杜學士江南初霽羈懷

大江開宿雨，征棹下春流。霧卷晴山出，風恬晚浪收。  
岸花明水樹，川鳥亂沙洲。羈眺傷千里，勞歌動四愁。

此篇與韋寺慶浮江旅恩詩後四句同而少異矣

詠桂

未植銀宮裏，寧移玉殿幽。枝生無限月，花滿自然秋。  
俠客條為馬，仙人葉作舟。願君期道術，攀折可淹留。

宋之問一首

幸少林寺應制

紺宇橫天室迴鑿指帝休曙陰迎日盡春氣抱岳流  
空樂繁行漏香烟薄綵旂玉膏從此泛仙馭接浮丘

駱賓王 三首

同張二詠鴈

唼藻滄江遠銜蘆紫塞長霧深迷曉景風急斷秋行  
陣照通宵月書封幾夜霜無復能鳴鳴分空知愧稻梁  
樂大夫挽歌

蒿里誰家地松門何代丘百年三萬日一別幾千秋  
反照寒無影窮泉凍不流居然同物化何處欲藏舟

又

且先朝菌千秋禴夜臺青鳥新兆去白馬故人來

春泣松風向夕哀寧知荒壠外弔鶴自徘徊  
陳子昂 一首

晦日高文學置酒林亭

尋春遊上路追宴入山家主第簪纓滿臯州景望華  
玉池初吐溜珠樹始開花歡娛方未極林閣散餘霞

劉友賢 六首

奉和同前

春來日漸賒琴酒逐年華欲向文通徑先遊武子家  
池碧新流滿巖紅落照斜興闌情未盡步惜風花  
宿清遠峽山寺

香岫懸金刹飛泉界石門空山唯日靜中夜寂無喧

說法初聞鳥看心欲定猿寥寥隔塵事何異武陵源

遊韶州廣果寺

景殿臨丹壑香臺隱翠霞  
巢飛銜象鳥砌蹋雨空花  
寶鐸搖初霽金池映晚沙  
莫愁歸路遠門外夜三車  
使往天兵軍約與陳子昂  
新鄉為期及還而不相遇

入衛期之子于嗟不少留  
情人去何處淇水日悠悠  
怕碣青雲斷衡漳白露秋  
知君心許國不是愛封侯  
寄天台司馬道士

卧來生白髮覽鏡忽成絲  
遠愧食霞子童顏且自持  
舊遊惜踈曠微尚日磷緇  
不寄西山藥何由東海期  
送田道士使蜀救龍

風馭忽冷然雲臺路幾千  
蜀門峰勢斷巴字水形連  
人隔壺中地龍遊洞裏天  
贈言回馭日圖畫彼山川

沈佺期二首

奉和送金城公主適西蕃應制

金榜扶丹掖銀河屬紫闈  
那堪將鳳女還似嫁烏孫  
玉就歌中怨珠辭掌上恩  
西戎非我匹明主至公存

答甯愛州書

書報天中赦人從海上聞  
九泉開白日六翮起青雲  
質幸恩先貸情孤枉未分  
自憐涇渭別誰與奏明君

魏元忠首

侍宴梁王宅應制

大君敦宴賞萬乘下梁園酒助閒平樂人霑雨露恩  
榮光開帳殿佳氣滿旌門願陪南岳壽長奉北宸尊

鄭愔四首

陪幸昭容院獻詩

地軸樓居遠天台闕路賒何如游帝宅即此對仙家  
座拂金壺電池搖玉酒霞無雲秦漢隔別訪武陵花

二

宮掖賢才重山林高士難不言辭輦地更有結廬歡  
池棟清溫燠巖窓起沍寒幽亭有仙桂聖主萬春看

三

槎流天上轉茅宇禁中開河鼓填橋至山熊遊檻來

庭花採葉葶巖石步莓苔願奉蘿圖泰長聞錦翰裁

奉和送金城公主適西蕃應制

下嫁戎庭遠和親漢禮優笳鼓出虜塞簫曲背秦樓  
貴主悲黃鶴征人怨紫騮皇情眷億兆割念俯懷柔

張易之二首

侍從過公主尚宅侍宴探得風字應制

逐賞平陽第鳴笳上苑東鳥鳴千戶竹蝶舞萬花叢  
時攀小山桂共挹大王風坐客無勞起秦簫曲未終

蕭至忠二首

九日侍宴應制

望幸三秋暮登高九日初朱旗巡漢苑翠帟俯秦墟  
寵極更身遍恩深菊耐餘承歡何以答萬億奉宸居  
奉和九月九日登慈恩寺浮圖應制

天蹕三乘啓星輿六轡行登高凌寶塔目極徧玉城  
神衛空中遶仙歌雲外清重陽千萬壽率舞頌昇平

周利用一首

奉和前應制

出豫乘金節飛文煥日宮黃房開聖酒柰苑被玄功  
塔向三天迥池收八解空叨恩奉蘭籍終愧洽薰風

閻朝隱一首

九日侍宴應制 得進字

九九待神仙高高坐半天文章三曜動氣色五星連  
綵綬趨皇極笙歌接御筵願因吹菊酒相守百千年

于經野一首

奉和前應制 得樽字

御氣三秋節登高九曲門桂筵羅玉姐菊醴溢芳樽  
導渚歸鴻度承雲舞鶴騫微臣濫陪賞空荷聖明恩

武平一 二首

侍宴安樂公主新宅應制

紫漢秦樓敞黃山魯館開簪裾分上席歌舞列平臺  
馬既如龍至人疑學鳳來幸忻聯棣萼何以接鄒枚

奉和金城公主適西番應制

廣化三邊靜通姻四海安還將膝下愛持副域中歡  
聖念飛玄藻仙儀下白蘭日斜征蓋沒歸騎動鳴鑾

徐彥伯 一首

奉和前應制

鳳袞憐簫曲鸞闈念堂珍虜庭遙築館漢策重和親  
星轉銀河夕花移玉樹春聖心悽送遠留蹕望征塵

崔湜 四首

奉和前應制

懷戎前冊倍降女舊姻脩簫鼓辭家怨旌旃出塞愁  
尚孩中念切方遠御慈流顧之謀臣用仍勞聖主憂

薛稷 一首

奉和前應制

天道能殊俗深仁乃戢兵懷荒寄赤子忍愛鞠蒼生  
月下瓊娥去星分寶婺行關山馬上曲相送不勝情

馬懷素 一首

奉和前應制

帝子今何去重姻適異方離情愴宸掖別路遙關梁  
望絕園中柳悲纏陌上垂空餘願昔鶴東顧憶廻翔

西域傳公主歌曰願  
為黃鶴方歸故鄉

李適 二首

奉和九月九日登慈恩寺浮圖應制

鳳輦乘朝霽鸞林對晚秋天文具葉寫聖澤菊花浮



塔似神功遍龕疑佛影留幸陪清漢躡欣奉淨居遊  
侍宴長陵公主東莊應制

鳳樓紆睿華龍舸暢宸襟歌舞平陽第園亭沁水林  
山花添聖酒澗竹繞薰琴願奉瑤池駕千春侍德音

李义一首

和人日清暉閣宴群臣

上月燈臺賞中天御輦飛後庭聯舞唱前席仰恩輝  
睿作風雲起農祥雨雪霏幸陪人勝節長願奉垂衣

劉憲一首

七夕

秋吹過雙闕星仙動二靈更深移月鏡河淺度雲

徵方朔人間失武丁天文茲夜裏光映紫微庭

蘇頌一首

題壽安王主簿池館

格邑通馳道韓郊在屬城館將花雨映潭與竹聲清  
賢俊鷺栖棘賔遊馬佩蘅願言隨狎鳥從此濯吾纓

張說六首

皇帝降誕日集賢殿賜宴

仲秋金帝起五日上行標瑞表壬寅露光傳甲子宵  
陰風吹大澤夢日照昌朝不獨華封老千年喜祝堯

奉和同玉真公主過大哥山池應制

綠竹初成苑丹砂欲化金乘龍與驂鳳歌吹滿山林

唐詩集

爽氣凝波迥寒光映浦深忘憂題此觀為樂賞同心

過庾信宅

蘭成追宋玉舊宅偶辭人筆涌江山氣文驕雲雨神  
包胥非救楚隨會返留秦獨有東陽守來嗟古樹春

和魏僕射還鄉

富貴還鄉國光輝滿舊林秋風樹不靜君子歎何深  
故老空懸劍隣交日散金衆芳搖落盡獨有歲寒心

和使

江勢連山遠天涯此夜愁霜空極天靜寒月帶江流  
風起南征棹文高北望樓自憐如墜葉泛泛侶仙舟

南中贈高六戩

北極辭明代南溟宅放臣丹誠由義盡白髮帶愁新  
鳥墮炎洲氣花飛洛水春平生歌舞席誰憶不歸人

已上係初唐之詩

張九齡二首

春江晚景

江林皆秀發雲日復相鮮征路那逢此春心益渺然  
興來祇自得佳處莫能傳薄暮津亭下餘花落客舫

送楊道士往天台

鬼谷還成道天台去學仙行應松子化留與世人傳  
此地烟波遠何時羽駕旋當須一把袂城郭共依然

孫狄四首

和常州崔使君詠後庭梅

聞唱梅花落江南春意深更傳千里外來入越人吟  
弱幹紅粧倚繁香翠羽尋庭中自公日歌舞何芳陰

又

梅院重門掩遙遙歌吹邊庭深人不見春至曲能傳  
花落彈棊處香來薦枕前使君停五馬行樂此中偏  
訕萬八賀九雲門寺歸溪中作

晚從靈境出林壑曙雲飛稍覺清溪盡迴瞻晝刹微  
獨園餘興在孤棹宿心違更憶登攀處天香滿袖歸  
奉和崔司馬遊雲門寺

繫馬清溪樹禪門春氣濃香臺花下出講座竹間逢

覺路山童引經行谷鳥從更言窮寂滅廻策上南峯

王灣一首

奉同賀監林月清酌

華月當秋滿朝軒假興同淨林新霽入窺院小涼通  
碎影行筵裏搖花落酒中清宵照秋意併此助文雄

崔顥二首

王家少婦一作古意

十五嫁王昌盈盈入畫堂自矜年最少復倚嬌為郎  
舞愛前溪綠歌憐子夜長閑來鬪百草度日不成妝

岐王席觀妓

二月春來半王家日正長柳垂金屋暖花發玉樓香

拂匣先臨鏡調笙更炙簧還將歌舞態只擬奉君王

孟浩然 九首

江上寄崔少府

春堤楊柳發憶與故人期草木本無意榮枯自有時  
山陰定遠近江上日相思不及蘭亭事空吟祓禊詩

寄弟

獻策金門去承歡綵服違以吾一日長念爾聚星稀  
昏定須溫席寒多未授衣桂枝如已擢早逐鴈南飛

題惠上人房

帶雪梅初暖含烟柳尚青來窺童子偈得聽法王經  
會理知無我觀空厭有形迷心應覺悟客思不遑寧

次蔡陽館

日暮馬行疾城荒人住稀聽歌疑近楚投館忽如歸  
魯堰田疇廣章陵氣色微明朝拜嘉慶須着老萊衣  
泊牛渚赴薛八不及

星羅牛渚夕風退鷁舟遲浦淑常同宿烟波忽問之  
榜歌空裏失船火望中疑明發泛滄海茫茫何處期  
送蘇六從軍

才有幕中畫而無塞上勳漢兵將滅虜王粲始從軍  
旌旆邊庭去山川地脉分平生一七首感激贈夫君  
送辛大

南國辛居士言歸舊竹林未逢調鼎用徒有濟川心

予亦忘機者田園在漢陰因君故鄉去還寄式微吟  
美人分香

艷色本傾城分香更有情鬢髮垂欲鮮眉黛拂能輕  
舞學平陽態歌翻子夜聲春風狹斜道含笑待逢迎  
賦得盈盈樓上女

夫婿久別離青樓空望歸粧成卷簾坐愁思懶縫衣  
燕子家家入楊花處處飛空床難獨守誰為解金徽

王維

字摩詰  
太原人

十首

歸輞川作

谷口疎鍾動漁樵稍欲稀悠然遠山暮獨向白雲歸  
菱蔓弱難定楊花輕易飛東臯春草色惆悵掩紫扉

送張判官赴河西

單車曾出塞報國敢邀勳見逐張征虜今思霍管軍  
沙平連白雪蓬卷入黃雲慷慨倚長劍高歌一送君

送丘為往唐州

宛洛有風塵君行多苦辛四愁連漢水百口寄隨人  
槐色陰清晝楊花惹暮春朝端肯相送天子綉衣臣

送崔興宗

已恨親皆遠誰憐友復稀君王未西顧遊宦盡東歸  
塞闊山河淨天長雲樹微方同菊花節相待洛陽扉

送孫秀才

帝城風月好况復建平家玉枕雙文篋金盤五色瓜

山中無魯酒松下飯胡麻莫厭田家苦歸期遠復除  
送孫二

郊外誰相送夫君道術親書生鄒魯客才子洛陽人  
祖席依寒草行車起暮塵山川何寂寞長望淚沾巾  
游李山人所居因題屋壁

世上皆知夢狂來或自歌問年松樹老有地竹林多  
藥倩韓康賣門容向子過翻嫌枕上席無那白雲何  
待儲光羲不至

重門朝已啓起坐聽車聲要欲聞清佩方將出戶迎  
晚鐘鳴上苑疎雨過春城了自不相顧臨堂空復情  
恭懿太子挽歌

蘭殿新恩切椒宮夕臨幽白雲隨鳳管明月在龍樓  
人向青山哭天臨渭水愁鷄鳴常問膳今恨玉京留  
又

西望昆池闊東瞻下杜平山朝豫章館樹轉鳳凰城  
五校連旗色千門疊鼓聲金環如有驗還向畫堂生  
岑參十一首

送韋侍御先歸京

得寬字

聞欲朝龍闕應須拂豸冠風霜隨馬去炎暑為君寒  
客泪題書落鄉愁對酒寬先憑報親友後月到長安  
送崔員外入奏因訪故園

欲謁明光殿先趨建禮門仙郎去得意丞相正承恩

所圖

山中無魯酒松下飯胡麻莫厭田家苦歸期遠復除  
送孫二

郊外誰相送夫君道術親書生鄒魯客才子洛陽人  
祖席依寒草行車起暮塵山川何寂寞長望淚沾巾  
游李山人所居因題屋壁

世上皆知夢狂來或自歌問年松樹老有地竹林多  
藥倩韓康賣門容向子過翻嫌枕上席無那白雲何  
待儲光羲不至

重門朝已啓起坐聽車聲要欲聞清佩方將出戶迎  
晚鐘鳴上苑疎雨過春城了自不相顧臨堂空復情  
恭懿太子挽歌

蘭殿新恩切椒宮夕臨幽白雲隨鳳管明月在龍樓  
人向青山哭天臨渭水愁鷄鳴常問膳今恨玉京留  
又

西望昆池闊東瞻下杜平山朝豫章館樹轉鳳凰城  
五校連旗色千門疊鼓聲金環如有驗還向畫堂生  
岑參十一首

送韋侍御先歸京

得寬字

聞欲朝龍闕應須拂豸冠風霜隨馬去炎暑為君寒  
客泪題書落鄉愁對酒寬先憑報親友後月到長安  
送崔員外入奏因訪故園

欲謁明光殿先趨建禮門仙郎去得意丞相正承恩

所圖

竹裏巴山道華間漢水源馮將兩行淚為訪邵平園

送襄州任別駕

別乘向襄州蕭條楚地秋江聲官舍裏山色郡城頭  
莫羨黃公蓋須乘彥伯舟高陽諸醉客唯見古時丘

陝州月城樓送辛判官入京

送客飛鳥外城頭樓最高尊前遇風雨窓裏動波濤  
謁帝向金殿隨身唯寶刀相思灞陵月祇有夢偏勞

祁四再赴江南別詩

萬里來又去三湘東復西別多人換髮行遠馬穿蹄  
山驛秋雲冷江帆暮雨低憐君不解說相憶在書題

稠葉驛喜逢嚴河南中丞便別

駟馬映花枝人人夾路窺離心且莫問春中自應知

不謂青雲客猶思紫禁時參忝西掖  
曾聯接別君能幾日看

取髮成絲

送王錄事却歸華陰王錄事自華陰尉授

魏州錄事參軍旬日却復舊官

相送欲狂歌其如此別何攀轅人共惜解印日無多  
仙掌雲重見關河路再過雙魚莫不寄縣外是黃河

送宇文舍人出宰元城

雙鳧出未央千里過河陽馬帶新行色衣闌舊御香  
縣花迎墨綬關柳拂銅章別後能為政相思淇水長

送王伯倫應制授正字歸



當年最稱意數子不如君戰勝時偏許名高人共聞  
半天城北雨斜日灞西雲科斗皆成字無令錯古文

發臨洮將赴北庭留別得飛字

聞說輪臺路連年見雪飛春風不曾到漢使亦應稀  
白草通疎勒青山過武威勤王敢道遠私向夢中歸

輪臺即事

輪臺風物異地是古單于三月無青草千家盡白榆  
番書文字別胡俗語音殊愁見流沙北天西海一隅

高適五首

宋中別司功叔各賦一物得商丘

商丘試一望隱隱帶秋天地與星夜在城將大路遷



悲昔事墟落對窮年即此傷離緒淒淒賦酒筵

同崔員外綦毋拾遺九日宴京兆府李七

曹

今日好相見群賢仍感曹晚晴催翰墨秋興引風騷  
絳葉擁虛砌黃花隨濁醪閉門無不可何事更登高

送崔功曹赴越

傳有東南別題詩報客居江山知不厭州縣復何如  
莫恨吳歛曲當看越絕書今朝欲乘輿隨爾食鱸魚

別孫訢

離人去復留白馬黑貂裘屈指論前事停鞭惜舊遊  
帝鄉那可忘旅館日堪愁誰念無知己年年睢水流

送裴別將之安西

絕域眇難躋，悠然信馬蹄。  
風塵驚跋涉，搖落怨睽攜。  
地出流沙外，天長甲子西。  
少年無不可行矣，莫悽悽。

賈至 三首

送王員外赴長沙

攜手登臨處，巴陵天一隅。  
春生雲夢澤，水溢洞庭湖。  
共嘆虞翻枉，同悲阮籍途。  
長沙舊卑濕，今古不應殊。

送夏侯參軍赴廣州

聞道衡陽外，由來鴈北飛。  
送軍從此去，書信定應稀。  
雲海南溟遠，烟波北渚微。  
勉哉孫楚吏，綵服正光輝。

長沙別李六侍御

月明湘水白，霜落洞庭乾。  
放逐長沙外，相逢路正難。  
雲歸帝鄉遠，鴈報朔方寒。  
此別盈襟淚，雍門不假彈。

李頎 一首

覺公院施烏石臺

石臺置香飯，齋後施諸禽。  
童子亦知善，衆生無懼心。  
苔痕蒼曉露，盤勢出香林。  
錫杖或圍繞，吾師一念深。

祖詠 一首

過鄭曲

路向滎川夕，晴來望盡通。  
細烟生水上，圓月在舟中。  
岸勢迷行客，秋聲亂草蟲。  
旅懷勞自慰，淅淅有涼風。

綦毋潛 二首

茅山洞口

華陽仙洞口半嶺拂雲看窈窕穿蒼壁差池對石壇  
方隨地脉轉稍覺水晶寒未果變金骨歸來茲路難

過方尊師院

羽客北山尋草堂松徑深養神宗示集作尔法得道不

知心洞戶逢雙履寥天有一琴一作禽更登玄圃上仍

種杏成林

王昌齡 二首

素上人影塔

物化同枯木希夷明月珠本來生滅盡何者是虛無  
一坐看如故千齡獨向隅至人非別有方外不應殊

沙苑南渡頭

秋霧連雲白歸心浦淑懸津人空守纜村館復臨川  
蓬隔蒼茫雨波通演漾田孤舟未得濟入夢在何年

張均 一首

江上逢春

離憂耿未和春慮忽嗟跼攢木猿知去尋泥燕獨過  
驚花翻霽日垂柳拂烟波激意卷信實無如鄉念何

賈彥璋 一首

晚霽登汝南大雲閣

禪宮新雨歇香閣晚登臨色樹晴光起川苗佳氣深  
水包城下岸雲細郢中岑自嘆牽卑日聊開望遠心

東洋  
所圖書

嚴公貺

題房公瑄漢州西湖

鳳池才未盡餘思。鑿西湖。珍木羅脩岸。水光映坐隅。  
琴臺今寂寞。竹島尚縈紆。猶蘊濟川志。芳名終不渝。

已上係盛唐之詩

太宗皇帝 一首

桃花

禁苑春暉麗。花暎綺樹裝。綴條深淺色。點露參差光。  
向日分千咲。迎風共一香。如何仙嶺側。獨秀隱遙芳。

孟浩然 一首

登樟亭樓

水樓一登眺。半出青林高。帝慕英寮散。芳筵下客叨。  
山藏伯禹穴。城壓五胥濤。今日觀溟漲。聶綸欲釣鰲。

王維 二首

與盧象集朱家

主人能愛客。終日有逢迎。貫得新豐酒。復聞秦女箏。  
柳條疎客舍。槐葉下秋城。語笑且為樂。吾將達此生。

送崔興宗

唐詩品彙拾遺卷之五



唐詩品彙拾遺卷之五

十一



